

[www.BibleForChildren.org](http://www.BibleForChildren.org)

မာထ 26



လွတ်မြောင့်ခြင်းပွဲ

မကျခင်

ခြောက်ရက်အယင်က

ယေရှုစာ ဗေသနိရှာတို့ ကြွလီရေ။

ဗေသနိရှာစာ လာဇရု နိထိုင်စာ

ရှာဖြစ်တေ။ ဒေ လာဇရုကို

ယေရှု သီရာက

ပြန်ရှင်ထမြောင့်စီလီရေ။



ယင်းခါ မာရိစာ  
ကောင်းကောင်း  
တန်ဖိုးဟိစာ  
ရိမ္မိုးဆီအစင်ကို ယူလာပြီးကေ  
ယေရှုအခြံမာ သွန်ရို  
ကိုယ့်ဆံပင်န ပွတ်လီရေ။ ထို  
ရိမ္မိုးဆီစာ တစ်ပွါကျော်ပင်မနာ  
ဟိလီရေ။ ယင်းခါ ရိမ္မိုးဆီအနံ့စာ  
အိမ်လုံးပြတ် ချန်လားခလီရေ။



ယင်းနောက် တပည့်တစ်ဆယ့်နှစ်ယောက်အထဲက  
ယုဒရှုကာရုတ်နာမည်န တပည့်တစ်ယောက်စာ  
ယေရှုကို ဖမ်းပီးဖို့အကြံန  
ယဇ်ပုရောဟိတ်အကြီးရို့တို့  
လားခလီရေ။



သူရိံစာ ယုဒရှုကာရုတ် စကားကို  
ကြားရို့ ကောင်းကောင်း ပျော်ကတ်လီရေ  
အရာ သူ့ကို တန်းကား ပီးဖို့  
အာမခံကတ်လီရေ။ ယင်းခါ  
ယုဒစာ ယေရှုကို ဖမ်းပီးဖို့အတွက်  
အခွင့်ရေး ရှာရို့  
နီလီရေ။



ယေရှု အာဏာချရေအတိုင်း  
တပည့်ရှိစာ လွတ်မြောင့်ခြင်းပွဲကို  
အဆင်သင့် လုပ်ကတ်လီရေ။ သူ့ရှိ  
စားသောက်ကတ်တေခါ ယေရှုစာ  
ပေါင်မုန့်ကို ယူရှိ ထာဝရဘုရားကို  
ကျေးဇူးတင်လီရေ။



ယင်းနောက် သူ့စာ ထိုပေါင်မုန့်ကို  
ဖဲ့ပြီးကေ တပည့်ရိုက်ကို ပီးရို ပြောလီရေ၊  
“ယော၊ စားကတ်၊ ဒေ ပေါင်မုန့်စာ  
ငါ့အသား ဖြစ်တေ။”




ယင်းနောက် သူစာ စပျစ်ရည် ခွက်ကို  
ယူရို့ ထာဝရဘုရားကို  
ကျေးဇူးတင်လီရေ အရာ  
ယင်းစပျစ်ရည် ခွက်ကို တပည့်ရို့ကို  
ပီးရို့ ပြောလီရေ၊ “ဒေ စပျစ်ရည်ကို  
နင်ရို့ အားကုံးသူ သောက်ကတ်၊  
အကြောင်းကား ဒေ  
စပျစ်ရည်စာ ငါ့သွီး  
ဖြစ်တေ။”




“လူအများကြီး အပြစ် ခွင့်ရွတ်ခြင်းကို  
ရပတ်စီအတွက် ငါ့မှာ ဒေ သွီးကို  
သွန်းလောင်းပီးဖို့။ လူရိုအတွက် ငါ့မှာ  
ဒေ သွီးနု ထာဝရဘုရား၏  
စာချုပ်အသစ်ကို ထိုးရေ။”



“ရိုမန်၊ ရိုမန်၊ သတိထား။ ဂျုံဆန်ကို စန်ဂိုးမာ တင်ရို့၊ ပြာစာပိုင်  
မာရ်နတ် နင်ရို့ကို ပြာကြည့်ဖို့ တောင်းရေ။ ယေကေလည်း နင့်မာ  
ကျံခြင်းတရား မပျက်ရအောင် ငါ နင့်အတွက် ဆုတောင်းရို့၊  
လာဗျာ။ နင် နောင်တရရို့၊ ပြန်လာရေခါ နင့်မာ ဒေ ညီအစ်ကိုရို့ကို  
ကျံခြင်းတရား  
ခိုင်မာအောင် လုပ်လီ။”



ယင်းခါ ပေတရုစာ ယေရှုကို ပြောလီရေ၊ “အသျှင်၊ အကျွန်  
ကိုယ်တော်နအတူ ထောင်အကျခံဖို့မဆိုကေ အသိခံဖို့လည်း  
အဆင်သင့် ဟိပါရေ။” ယေရှုစာ ပြောလီရေ၊ “ပေတရု၊ ငါ နင့်ကို  
ပြောရေ၊ ဒေနိ ညဉ့်မာ ကြက်မတွန်ခင်အယင်က နင် ငါ့ကို မသိ  
ဟို့ သုံးခေါက်တိုင်အောင်  
ငြင်းလိမည်။”



ယင်းနောက် ယေရှုစာ  
တပည့်ရိုနအတူ  
ဂေသရှေမန်ဆိုစာ  
ဥယျာဉ်တစ်ခုတို့ ကြွလီရေ။  
အရာ သူစာ တပည့်ရိုကို  
ပြောလီရေ၊ “ငါ ထိုနေရာတို့  
လားရို၊ ဆုတောင်းနီသရိုကို နင်ရို၊  
ဒေမာ ထိုင်ရို၊ စောင့်နီကတ်။”



သူ့စာ ဒေပိုင် ဆုတောင်းလီရေ၊

"အိုး အာဗွာ၊ အကျွန် အဖ၊

ကိုယ်တော်ကား ဟိသမျှ

အားကုံးကို လုပ်နိုင်ပါရေ။

အကျွန် ခံရဖို့စာ ဒုက္ခ-ဝေဒနာကို

ပျောက်ကင်းစီပါ။

ယေကေလည်း အကျွန်

အလိုအတိုင်း မဟုတ်ပါ။

ကိုယ်တော်၏

အလိုတော်အတိုင်း ဖြစ်ပါစီ။"



ယင်းအတွက်န ယုဒရှုကာရုတ်စာ ယဇ်ပုရောဟိတ်အကြီးရိုန  
ဖာရိုရှဲအဖွဲ့သားရို့တို့ လားလီရေ။ ယင်းခါ သူရို့စာ  
ဝိပဿနာကျောင်းမှာ အစောင့်သား  
လိုင်းကေယောက်န ရောမအစိုးရစစ်သား  
တစ်ဖွဲ့ကို ယုဒရှုကာရုတ်နအတူ  
ယင်းဥယျာဉ်တို့ ရွတ်လိုက်လီရေ။  
သူရို့အလက်မှာ လိုင်တန်ဆီမီး၊  
ဆီမီးကျိုင် အရာ  
လက်နှက်တိလည်း ပါလီရေ။



တပည့်ရဲ့အထဲက တစ်ယောက်စာ မဟာယဇ်ပုရောဟိတ်၏  
ကျွန်မ ညာဖက်က နားရွက်ကို ဒါးရှည်နဲ့  
ဖြတ်ချလိုက်လီရေ။ ယင်းခါ ယေရှုစာ၊ “ဟုတ်ပျာ”  
ဟို့ ပြောလီရေ။ အရာ သူစာ ထိုကျွန်  
နားရွက်ကို ကိုင်ရို့ အကောင်း  
လုပ်လီရေ။



ယင်းခါ သူရိုစာ ယေရှုကို ဖမ်းရို့ မဟာယဇ်ပုရောဟိတ် အိမ်တို့  
ယူလားခကတ်လီရေ။ အရာ ပေတရုစာ မနိုးမဝီးပျင်ရို့  
သူရို့ နောက်က နောက်က  
လိုက်လီရေ။




တစ်ချိုးလူရှိစာ အိမ်တတ်ဝှင်းအလယ်မှာ ထိုင်ပြီးကေ မီးနှူရှိ။  
ဟိကတ်လီရေ။ ပေတရုစာ လာရှိ။ သူရှိကြားမှာ ဝင်ရှိ။  
ထိုင်လီရေ။




ယင်းခါ

မဟာယဇ်ပုရောဟိတ်မာ  
ကျွန်တစ်ယောက်စာ  
ပြောလီရေ၊ “ငါ နင့်ကို  
ထိုလူနအတူ ဥယျာဉ်ထဲမှာ  
မြင်ခလီရေ မဟုတ်လော?”  
သူစာ ပေတရု ဒါးရှည်န  
ခွတ်ရို့ နားရွက်  
ပြတ်ကျလားခစာ လူန  
အမျိုးကျရေ။



ယေကောလည်း ပေတရုစာ  
အရာတစ်ပြန် ငြင်းလီရေ။  
ယင်းခါ ချက်ချင်း  
ကြက်တွန်လီရေ။ ယင်းခါ  
ပေတရုစာ ပြင်တို့ ထွက်ရို့  
ကောင်းကောင်း ဝမ်းနည်းရို့  
ငိုလီရေ။



ယင်းနောက် ယုဒလူမျိုး  
မဟာတိုင်ဘင်အဖွဲ့သား အားကုံးသူ ထရို၊  
ယေရှုကို ရောမအုပ်ချုပ်သူကြီးပိလတ်တို့  
ယူလားခကတ်လီရေ။  
ပိလတ်စာ ယေရှုကို မီးလီရေ၊  
“နှင့် ယုဒလူမျိုးရို့မှာ မင်းလော?”

ယေရှုစာ အဖြေပီးလီရေ၊

“ကိုယ်ဘင် ပြောစာစကား မှန်ရေ။”




ယေကောလည်း ပိလတ်စာ ယေရှုကို  
ရွတ်ပီးချင်လီရေအတွက်န လူရိုကို  
အရာတစ်ပြန် တစ်ခွန်းတည်း စကားကို  
ပြောလီရေ။





ယေကောလည်း လူရိုစာ၊ “ယင်းသူကို  
ကားတိုင်မာ တင်ရို့ သတ်ဘိုက်လိုက်ပါ၊  
ကားတိုင်မာ တင်ရို့ သတ်ဘိုက်လိုက်ပါ”  
ဟို့ အားန အော်ရို့  
ပြောနိုကတ်လီရေ။



ယင်းခါ ပိလတ်စာ ယေရှုကို ကားတိုင်မှာ  
တင်ရို့ သတ်ဖို့အတွက် သူရို့အလက်မှာ  
အပ်လိုက်လီရေ။ ယင်းအတွက်န စစ်သားရို့စာ  
ယေရှုကို ယူလားခကတ်လီရေ။  
အသျှင်ယေရှုစာ ကိုယ့်ကားတိုင်ကို  
ရွက်ယူလားရို့ "အဂေါင်းခွံ" ဟို့ ခေါ်စာ  
နေရာတစ်ခုတို့ ရောက်လီရေ။



ယင်းနေရာကို ဟေပြဲဘာသာစကားန  
“ဂေါလဂေါသ” ဟို့ ခေါ်ရေ။




ယင်းနေရာမှာ စစ်သားရို့စာ ယေရှုကို  
ကားတိုင်မှာ တင်ကတ်လီရေ။ ယင်းခါ  
သူရို့စာ ယေရှုအတူ




အခြားနှစ်ယောက်ကိုလည်း ကားတိုင်မှာ  
တင်ကတ်လီရေ။ သူရို့စာ ယေရှုအနားက  
တစ်ဖက်တစ်ယောက် ဟိကတ်လီရေ။  
ယေရှုစာ သူရို့ နှစ်ယောက်အလယ်မှာ  
ဟိလီရေ။



ယင်းချိန်စာ မွန်းတည့် တစ်ဆယ့်နှစ်နာရီလောက် ဟိလီရေ။  
ယင်းအချိန်ကပင်စရို့ နိကျသုံးနာရီတိုင်အောင် တစ်ပြည်လုံး  
မှိုင်းလားခလီရေ။ အရာ  
ယေရုရှလင်မြို့မှာဟိစာ  
ဝိပဿနာကျောင်းမှာ ကာထားစာ  
ရန်ကာစာ အထက်ကပင်  
အောက်တိုတိုင်အောင်  
စုတ်လားခလီရေ။



အရာ ယေရှုစာ၊ “အိုဗား အဖ၊ အကျွန်ုပ် ဝိညာဉ်ကို ကိုယ်တော်၏  
အလက်မာ တင်အပ်လိုက်ပါရေ” ဟို့ အားန အော်ရို့  
ပြောပြီးကေ အသက် စွန့်လီရေ။



ယင်းနိ နိမဝင်ခင်အယင်က  
ယောသပ်နာမည်န  
အရိမသဲမြို့သား  
တစ်ယောက်စာ  
ရဲဝံဖြည့်ရိ။

အုပ်ချုပ်သူကြီးပိလတ်တို့  
လားပြီးကေ ယေရှု၏  
အကောင်တော်ကို  
တောင်းလီရေ။



သူစာ ယုဒလူမျိုးရိုမာ  
မဟာတိုင်ဘင်အဖွဲ့သား  
လူကြီးတစ်ယောက် ဟိလီရေ။  
သူလည်းသောက်  
ထာဝရဘုရား၏  
နိုင်ငံတော်

တည်ဖို့စာအချိန်ကို  
စောင့်မျှော်ရို နီလီရေ။  
ယင်းခါ ယောသပ်စာ  
အဝတ်အဖြူသား  
ဝယ်ယူခလီရေ အရာ သူစာ  
ယေရှု၏ အကောင်တော်ကို  
ကားတိုင်က . . .



... ချရို့ အဝတ်အဖြူသားနု ရိုက်လီရေ။

ယင်းနောက် သူစာ  
ထိုအကောင်တော်ကို  
တောင်ကို ထွင်းထားစာ  
သဒ္ဓိုင်းဂူမာ  
ထားလီရေ အရာ

သဒ္ဓိုင်းဂူမာ  
ကျောက်ကြီးတစ်လုံး  
ပိတ်ထားလီရေ။



နောက်တစ်ရက်နိ ယုဒလူမျိုးရို့ သတင်းနိမာ  
ယဇ်ပုရောဟိတ်အကြီးရို့န  
ဖာရိရဲ့အဖွဲ့သားရို့စာ  
အုပ်ချုပ်သူကြီးပိလတ်တို့  
လားရို့  
ပြောကတ်လီရေ၊ . . .



... "ဆရာ၊ ထိုဘောရီးတတ်  
မသီခင်အယင်က၊ 'ငါ  
သုံးရက် ရွန်ရေခါ  
ပြန်ရှင်ထမြောင်းဖို့' ဟို့  
ပြောခလီစာ စကားကို  
အကျွန်ရို့



တွက်ရကတ်ပါရေ။"



ယင်းအတွက်န သူရို.ပြန်လားရို.  
သီချိုင်းဂူဝမာ ပိတ်ထားစာ  
ကျောက်လုံးကို  
တံဆိပ်ရိုက်ကတ်လီရေ။



အရာ ယင်းသို့ချိုင်းဂူကို  
အလှပ အရေးစိုက်ရို့  
စောင့်ဖို့အတွက် သူရို့စာ  
စစ်သားတစ်ဖွဲ့  
ထားကတ်လီရေ။



သတင်းနိ ရှုန်ရို့ တလင်္ကံနိ

မိုးသောက်စောစောက

မာဂဒလမြို့သမ မာရိန

အခြားမာရိစာ

သချိုင်းဂူကို

ကြည့်ဖို့အတွက်

လားကတ်လီရေ။



ယင်းခါ ဗြုန်းခနိုင်းပျင်ရို့ ငယင်ကြီးတစ်ခု  
လုတ်လီရေ၊ အကြောင်းကား

အသျှင်၏

ဂေါင်းခင်နတ်သားတစ်ပါး

ဂေါင်းခင်ဘုံက

ဆင်းလာလီရေ။

အရာ

သူစာ သံချိုင်းဂူဝမာ  
ပိတ်ထားစာ ကျောက်လုံးကို  
ရွှီရို့ ယင်းအထက်မာ  
ထိုင်လီရေ။



သဒ္ဓါဝိညာဉ်ကုသော စောင့်နီကတ်စာ  
စစ်သားရို့စာ သူ့ကို ကြောက်ရို့  
တုန်ပြီးကေ သိဖို့စာပိုင်  
ဖြစ်ကတ်လီရေ။



ယင်းခါ ဂေါင်းခင်နတ်သားစာ  
ထိုမိန်းမရို့ကို ပြောလီရေ၊ “နင်ရို့  
မကြောက်ကတ်ကော့၊  
အကြောင်းကား  
ကားတိုင်မာ တင်ရို့၊  
အသတ်ခံလီစာ

ယေရှုကို

နင်ရို့ ရှာနီကတ်တေဆိုစာကို  
ငါ သိရေ။”



“ယေကောလည်း သူကား ဒေမာ မဟိဗျာ၊  
အကြောင်းကား သူ မသီခင်အယင်က  
ပြောခရေအတိုင်း  
ပြန်ရှင်ထမြောင့်လားခဗျာ။”



“နင်ရို့ လာရို့ ကြည့်ခလိုက်ကတ်၊  
သူ့အကောင်တော်  
ထားလီစာနေရာကို  
ငါ ပြမည်။”



ယင်းခါ ထိုမိန်းမရို့စာ သချိုင်းဂူရှင်းက အယင်  
ထွက်လားခကတ်လီရေ။ အရာ သူရို့စာ  
ဂေါင်းခင်နတ်သား ပြောပြလိုက်စာ  
သတင်းကို တပည့်ရို့ဘားမာ  
ပြောပြဖို့အတွက်



ဗြီးလားကတ်လီရေ။



ယင်းခါ သူရိုစာ ကောင်းကောင်း  
ကြောက်ကတ်လီရေ၊ ယေကောလည်း  
သူရိုမာ စိတ်နှလုံးစာ ပျော်ပါးခြင်းနု  
ပြည့်စုံလီရေ။



သူရို့ ပြီးလားနီတုံးမာ ယေရှုစာ ပြုန်းခနိုင်းပျင်ရို့။  
သူရို့ရိုက ရောက်လာရို့ ပြောလီရေ၊  
“နင်ရို့မာ ငြိမ်းချမ်းခြင်း ဟိစီ!” ယင်းခါ  
ထိုမိန်းမရို့စာ ယေရှုအနားတို့  
လားပြီးကေ သူ့အခြံကို ကိုင်ရို့။



ရို့ခိုးကတ်လီရေ။



ယင်းနောက် ယေရှုစာ ကိုယ့်တပည့်  
တစ်ဆယ့်တစ်ယောက်ဘားမာ အမြင်ခံလီရေ။ ယင်းခါ သူရို့စာ  
စားရို့သောက်ရို့ ဟိကတ်လီရေ။ ယေရှုစာ တပည့်ရို့မာ  
ကျုံ့ခြင်းတရား မဟိရေအတွက်န အရာ စိတ်နှလုံး  
ကျန်းရေအတွက်န သူရို့ကို အပြစ်တင်လီရေ၊ အကြောင်းကား  
ယေရှု သီရာက ပြန်ရှင်ထမြောင့်ပြီးရေနောက် သူကို မြင်ခသူရို့  
ပြောစာစကားကို သူရို့စာ မကျုံ့လီကတ်။



ကိုယ့်တပည့်ရဲ့ဘားမာ ဒေပိုင် စကားတိုကို ပြောပြီးရေနောက်  
ယေရှုစာ ဂေါင်းခင်ဘုံတို့ တင်ယူခြင်းကို ခံရလီရေ။ သူစာ  
ဂေါင်းခင်ဘုံမာ ထာဝရဘုရား၏ ညာဖက်က ထိုင်လီရေ။



ထာဝရဘုရားစာ လောကသားရို့ကို  
ကောင်းကောင်း ချစ်လီရေ။ ယင်းအတွက်န  
သူစာ ကိုယ့်မှာဟိစာ တစ်ပါးတည်း  
သားတော်ကို ဒေ လောကတို့  
ရွတ်လိုက်လီရေ။ . . .



... အကြောင်းကား သားတော်ကို  
ကျံ့ညူရုံစာ ပျက်စီးခြင်းတို့ မရောက်ဘိုင်းန  
ထာဝရအသက်ကို ရကတ်ပတ်စီအတွက်  
ဖြစ်တေ။



ရောမ 3:23 အကြောင်းကား အားကုံးသူ အပြစ် လုပ်နီကတ်ပျာ အရာ  
ထာဝရဘုရား၏ ဘုန်းတန်ခိုးန ဝီးလားခကတ်ပျာ။

ရောမ 6:23 အကြောင်းကား အပြစ်၏ အကျိုးကား သီခြင်းတရား  
ဖြစ်တေ၊ ယေကေလည်း ထာဝရဘုရားစာ ငါရို့မာ  
အသျှင်ခရစ်တော်ယေရှုကနီရို့ အခမဲ့ ထာဝရအသက်ကို ပီးရေ။

ဟေဗြဲ 9:27 လူတိုင်း တစ်ခေါက် သီရကတ်ဖို့၊ ယင်းနောက်  
ထာဝရဘုရားဘားမာ တရားစစ်ဆေးခြင်းကို ခံရကတ်ဖို့။



ဧဖက် 2:8,9 နင်ရိုစာ ထာဝရဘုရား၏ သနားကြင်နာခြင်း  
အကြောင်းန ကျုံ့ခြင်းတရားကနီရို ကယ်တင်ခြင်းကို ရကတ်လီရေ။  
ယေကေလည်း နင်ရို ကောင်းမှုကုသိုလ် အကြောင်းန ရလီကတ်စာ  
မဟုတ်။ ယင်းထက်ပင် ထာဝရဘုရား၏ အခမဲ့ လက်ဆောင်အဖြစ်  
ရလီကတ်စာ ဖြစ်တေ။ နင်ရို ကောင်းမှုကုသိုလ် အကျိုးအဖြစ်  
ကယ်တင်ခြင်းကို ရလီကတ်စာ မဟုတ်။ ယင်းအတွက်န ကိုယ်ရို  
ကောင်းမှုကုသိုလ် အကြောင်းန ကယ်တင်ခြင်းကို ရရေ ဟို  
တစ်ယောက်လည်း ဘော်ကြော့ကြင်းဖို့ ရကတ်လီမည် မဟုတ်။



ရောမ 10:9,10 ထိုစကားတော် ဖြစ်တေကား ဒေပိုင်၊ နင်စာ  
ယေရှုကို အသျှင် ဖြစ်တေ ဟို့ နင့်ပစန ဝန်ခံရေဆိုကေ အရာ  
ထာဝရဘုရားစာ ယေရှုကို သီရာက ပြန်ရှင်ထမြောင့်စီလီရေ ဟို့ နင့်  
စိတ်နှလုံးမာ ကျုံ့ရေဆိုကေ နင် ကယ်တင်ခြင်းကို ရလိမည်၊  
အကြောင်းကား စိတ်နှလုံးမာ ကျုံ့ရေအတွက်န ထာဝရဘုရားစာ  
လူရို့ကို သူတော်ကောင်းအဖြစ် လက်ခံရေ အရာ ပစန  
ဝန်ခံရေအတွက်န ကယ်တင်ခြင်းကို ပီးရေ။



ယောဟန် 3:16,17 "ထာဝရဘုရားစာ လောကသားရှိကို  
ကောင်းကောင်း ချစ်လီရေ။ ယင်းအတွက်န သူစာ ကိုယ့်မာဟိစာ  
တစ်ပါးတည်း သားတော်ကို ဒေ လောကတို့ ရွတ်လိုက်လီရေ၊  
အကြောင်းကား သားတော်ကို ကျုံ့သူရှိစာ ပျက်စီးခြင်းတို့  
မရောက်ဘိုင်းန ထာဝရအသက်ကို ရကတ်ပတ်စီအတွက် ဖြစ်တေ။"  
ထာဝရဘုရားစာ လောကသားရှိကို အပြစ်တင်ဖို့အတွက်  
သားတော်ကို ဒေ လောကတို့ ရွတ်လိုက်လီစာ မဟုတ်။  
ယေကေလည်း လောကသားရှိ သားတော်ကနီရှိ ကယ်တင်ခြင်းကို  
ရကတ်ပတ်စီအတွက် သားတော်ကို ဒေ လောကတို့  
ရွတ်လိုက်လီစာ ဖြစ်တေ။



၁ယောဟန် 5:11-13 ထိုသက်သိ ဖြစ်တေကား ဒေပိုင်၊  
ထာဝရဘုရားစာ ငါရို့ကို ထာဝရအသက် ပီးလီရေ အရာ  
ထိုထာဝရအသက်စာ ထာဝရဘုရား၏ သားတော်ဘားမာ ဟိရေ။  
ယင်းအတွက်န ထာဝရဘုရား၏ သားတော်ကို ရသူစာ  
ထာဝရအသက်ကိုလည်း ရပျာ။ ယေကေလည်း ထာဝရဘုရား၏  
သားတော်ကို မရသူစာ ထာဝရအသက်ကိုလည်း မရသိ။  
နင်ရို့စာ ထာဝရဘုရား၏ သားတော်ကို ကျုံ့ကတ်တေ။ နင်ရို့  
ထာဝရအသက်ကို ရကတ်ပျာဆိုစာကို သိကတ်ပတ်စီအတွက် ငါ ဒေ  
စာစောင်ကို နင်ရို့တို့ ရို့းလိုက်စာ ဖြစ်တေ။



မာသာ 26-28; လုကာ 22-24; ယောဟန် 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Marma NT (rmz) ©2023 Wycliffe Bible Translators, Inc.

<https://www.bible.com/en-GB/bible/3652/MAT.1.RMZ>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

